

摘藻堂四庫全書薈要

集部

欽定四庫全書薈要

集部

秋澗集卷二十八

九

詳校官助教臣謝登雋



欽定四庫全書薈要卷一萬六千一百八十四


集部

秋澗集卷二十八

元 王惲 撰

七言絕句

故宮遺石

 華陽遺宮土花碧依然萬石如林立憔悴崩雲偃月姿  
留與都人作寒食

至元十二年蕤賓前二日同賈漢卿遊上方光  
教寺謁相上人不過因賈往年留題五詩清新

婉麗煩襟為灑然也亦留詩壁間仍用其韻為  
鑑堂一笑

紺碧亭亭午影涼同來共坐贊公床  
拖條拄杖誰家去  
借問山僧有底忙

出處何心燠與涼適來真是兩繩床  
分司不作埋輪去  
虛抱垂崖掾火忙

古寺僧殘草木深寶香猶足散煩襟  
雪窓不到聞猿句

幽鳥還驚恨別心

謂漢卿明日北歸

萬事無端起六根蟻旋蜂鬧苦紛紛閒來莫厭僧窓話  
暝坐蒲團到日曛

花木禪房一徑幽生平奇勝愛窮搜入門便得清涼界  
信有人間六月秋

閒閒公至大二年為慈聖兩宮重修寺碑說寺

盖夷山之地唐令狐楚愛其奇勝曾居於此塔  
係唐新羅僧智照用海船運新羅琉璃壁所建

閒人愛作靜中忙細和新詩步繞廊老衲向人誇水異

一甌春露雨花香

流杯池

九曲灣環碧玉圍  
錦香吹浪下龍池  
一觴修禊宮中舊  
正是梨花雪滿枝

太白捫月圖

詩中無敵飲中豪  
四海飄飄一錦袍  
千丈醉魂無處著  
青山磯上月輪高

閨次千秋山圖

五年官守晉州城  
伐石堙山日有程  
展放畫圖還憶得  
姑山黃葉正經行

李白醉吟圖

長庚風彩月爭輝  
力士旁無識子儀  
白璧莫嗟疑有玷  
夜郎風物要新詩

題蘭廣寧望海寺詩卷後同年樂用之為錄二

詩贈仁甫縣令

金到明昌事事新  
粹然一氣變斯文  
試吟望海樓中詠

轉見飄飄思不羣

遠懷世契崇明德  
遙述先猷極孝心  
舉世泯然衰俗裡  
兩家風誼見來深

紫陽觀雜詩和西溪嚴韻

袖裡丹砂照夜紅  
市人爭識漢壺公  
南都花木春猶好  
長在先生杖履中

心安已契長年說  
通寂能開不二門  
我亦靜中存夜氣  
此身之外欲何存



終日沉迷簿領中  
乘閒時過紫谿翁  
請師莫作功名看  
心似浮雲度太空

片言理到釋羣疑  
不待諸生入管窺  
收却藥籠無個事  
一簾春夢落花知

坐忘不戴遠遊冠  
是是非非了不干  
欲識紫陽存養力  
一簪玄髮頰浮丹

緇氤元氣化雖精  
起滅漚如一唾輕  
為問壇邊聽經鶴  
人生何苦未忘情

余年齟齬出京師想像繁華夢覺時  
前日石壇揮麈處  
故宮真似黍離詩

昌黎一序了仙翁六絕西溪意  
匠雄從此夜窓虛白滿  
滌除玄覽見冲融

一壺天地市朝間施藥歸來靜掩關  
幽睡不知紅日晚  
青山誰似白雲閒

壤壤槐宮蟻戰空銅駝陌上幾秋風  
一身歸潔何難有  
人重清時濟物功

宮井七絕

團團鴛甃露盤秋玉潤  
砂紅湛碧流多向內家供  
頓後餘甘翻麝入茶甌

野粉侵淫暗漆花  
玉床零亂卧泥沙  
羸瓶敗縵初無擇  
波及都城十萬家

高梧陰翳掖庭西  
清比中泠甘比飴  
今日道旁塵穢滿  
秋娘憔悴度江時

清時瑤殿引瓶金  
百尺還聞墜水音  
想得日長宮閣靜

玉盤珍果看浮沉

金屑離離泛曉光  
瀛池通氣濕嬰香  
六龍不挽清波去  
忍給吹脣燕御牀

事事宮庭到可珍  
我因懷古故來頻  
泓雖在當時水  
終似上陽白髮人

行入空宮重嘆嗟  
倚天金碧墮塵沙  
景陽留在臙脂井

似與都人入夢華

後三絕和  
西溪韻

武元直雪霽早行圖

謝宣  
慰

亂峯疊巘玉峻嶒危棧何人趁早行似我姑山新道就

神居東崦聽鷄聲

子官平陽時開姑山道甫成  
夜雪大作試車下故云神居

雪擁天山六月寒冷雲西北是長安行人馬上揚鞭喜  
猶勝南荒作熱官

侯敬甫四題同西溪賦

昊天報德詩人感號慕終身大舜心舉世靡然衰俗裡

一家追遠見來深

永思亭

怡怡和氣滿春臺天顯曾忘鞠子哀說似升堂興起客

功夫元自孝思來

友于堂

德積于身報自豐君家培植見深功友于堂下看珠樹

漸與三槐氣象同

種德堂

紛紛萬變一心微止水能澄見是非客去妙觀尤有得

滿簾春日靜朝暉

清堂

跋唐申王畫馬圖

內府曾觀鐵筆驄又於此紙得真龍却疑決電奔虹異  
不到少陵題品中

題劉平妻胡氏殺虎圖

獸猛其如義烈何揮刀峻絕魯陽戈  
哀哀哭絕東山婦恨入秋空淚謾多

重陽前三日全文季長畢茂先酌七賢祠下

滿眼青山落帽風七賢祠下一樽全  
雲煙顧盼來能幾白髮相看總老翁

蓮社圖

莫怪淵明從遠公鬢絲禪榻偶相同  
談空說有知多少

都在龍眠意匠中

二教玄風盛永嘉後來諸子更紛拏淵明興在東籬菊  
獨泛秋香亦自佳

一誕相誇陷洛郊流傳江左到滔滔杖藜首見淵明傲  
畫裏龍眠意最高

贈唐縣李縣尹

按部次堯封教官石雲卿來訪因話縣東有前鄧尹李  
君年六十四雖武人性喜學己卯夏自浙東歸載羣書



滿家將遺之子孫以酬夙志吁可尚也余聞之喜而不寐明日元旦躍馬來觀出經史子集及未見書七鉅箱凡千有餘帙富覽間偶得是詩以贈傳謂十室之邑必有忠信者李君其人也君諱忠字彥德為蔡國公將

闕

事來向王充閱異書

田間炬草照西東正是農家一歲豐不謂兩椽茆屋底

白頭還得愛書翁

唐之農家然束草于刈獲田間視其所偃以卜秋成于元旦日

庚辰歲唐縣元日

堯封今歲遇新年欲訪遺風已渺然願效老人三獻祝  
至元天子壽如天

吾皇仁聖邁唐虞寬大恩頒歲首書正擬乘風開濁浪  
忽隨疏網漏凡魚

宣和珍禽圖

紫烟阿閣鳳連巢瑤圃飛翔下絳霄踏散木犀花上露  
翠襟丹喙不勝嬌

和唐邑教官石雲卿見贈詩韻

自笑鉛刀效至剛夢中揮筆走羣狼東皇若假春風便

放使諸山草木香

已卯除夜次唐邑夢登一城有數狼前行以尺箠揮之四散逃走又見一

豹無首前窺

完州道中

使符按部喜同分首自行唐入保垠誰着分司王老子

杏花香裡過今春

是年同出巡按官韓君美梁韓二簽事大使王西溪

過蔡國公第宅

南衙路斷歸時貴東第堂設總帷鉅室顯知神鬼瞰  
一簾顏巷未為悲

庚辰歲人日前一日書夢中所見

碧樹翻香滿洞春一聲長笛隔花聞似嫌燕語鶯吟碎  
暖噴宮音遏夢雲

題木蘭廟

廟榜曰孝烈將軍在今完州城東北隅至元庚辰正  
月十日來謁土人稱昔木蘭戰此得功故廟有熙寧

間知軍事河南錢景初題記并所刻樂府古辭

春風奏凱入明光不願曹郎歸故鄉今日西山見遺廟  
蕙蘭根異死猶香

迷離撲朔雜雌雄萬里持戈此建功因見漢家征戍重  
盡興閭左尚秦風

登完州城樓州是古北平又曰永平即漢曲逆  
縣地故城在今州東二十五里即高祖云余  
行天下見戶口數繁獨此縣與洛陽爾故城

西南有大垠土俗相傳謂陳平墓

土人稱墓曰垠

漢家山東二百州當時繁夥此為尤朝來指顧城樓上  
斜日荒烟草樹稠

望郎山有懷郝陵州

太行鰲極東入海鼓鬣高撐霄漢間一自詩仙黃壤隔  
風雲空鎖碧峰間

張九元帥哀辭

并序

不肖與公既昧平生哀誄有述似涉無從然聞公幼

登詩禮長識風雲雄畧英姿為時名將始徇江淮厥  
績已著及平二王雋功獨高壽年未遐天遽奪去故  
作是詩于以為國哀而寓天下之所共惜也辭曰

瘴海波澄戰血紅歸朝無幾病籠東異時惇史論書法  
當與將軍死事同

盛說將軍禮度寬訃聞中外不勝酸可能秋月臺前照  
便作悲風易水寒

英姿颯爽戰酣來夢裏神交一喙開弓劍永隨秋草沒

春風吹恨上金臺

一曲饒歌變八哀扶桑宿霧若為開我雖不識將軍面  
苦聽輦聲惜將材

蔡國高勲上將壇九郎又領俊功還遽教零落蛟龍匣  
千丈神光失斗間

曲中有悞時為顧特見巴丘蘊藉姿不似九郎橫槊裏  
笑驅風月入新詩

堂堂萬里常山陣首尾橫穿海道空凌屋未圖元帥像



樂歌先奏二王功

前日長歌入漢關今年埋恨九重泉應憐一段江山秀  
再到人間又幾年

劍騎前頭揭認旗風飄笳鼓入雲悲眼中部曲渾依舊  
不似樓舡入海時

標柱紀功超漢將臨江觀陣惜奇才更憐一片金陵月  
冷送哀聲萬里來

風吹大樹日蕭蕭雄畧無由覩嫖姚暴骨莽如天似暗

不容勲伐蓋東遼

風翻素幔天為慘  
柳拂朱旗露易乾  
雞水不供門客淚  
郎山空倚戟衣寒

水邊臺榭月邊樓  
虎逝彪亡共一丘  
羽扇冷隨秋月暗  
銘旗高颺竹烟愁

保下春夜

金臺池館錦屏圍  
烟柳風荷蕩碧漪  
景物縱疎猶可愛  
畫船春水放燈時

諺語新年百草靈燕遺襍檜關多能就中兩地風光盛  
東府風鳶保下燈

題抱陽山張燕公讀書堂

在完州東北二十里

富貴功名恐等閒丈夫臨事節為難挺然不附姦臣請  
似覺功夫出北山

書龕高倚抱陽雲萬壑天葩發異芬莫訝相君潛伏久  
東封西祀要鴻文

凌閣勲名煥日星豹藏於此貯精英江山萬古風雲筆

未覺前賢畏後生

贈孤月老

明月靈臺到炯如清光元叱衆星殊豈知影落千山底  
以德看來永不孤

携筇偶入賛公房照眼驪珠夜有光臨水起亭他日事  
為渠題作墨君堂

謂觀蘇黃二公手  
簡真蹟者數幅

祝香保定文廟

泮宮絃誦育多材視作尋常事可哀羣吏近霑閭侃色

正緣文廟講書來

遊張將軍山林

至元十七年二月朔同苟嘉甫尚文蔚遊保城東張  
將軍山林置酒松臺因話郝奉使朱家州事

亭圮臺傾老樹歎夕陽淡淡鳥飛遲一樽細話朱州事  
天道幽冥未易知

跋雪谷早行圖

壺口山深石徑開六花一夕浥浮埃披圖憶得經行事

夜半盤車下嶺來

題武遂朱君挽章後

諱和字信之

簿領微勞到贊襄政圖真見此心良更將一片西湖水

波及奎郎見不亡

史業出身子公奎字君璋

新安道中

長陂極目麥青青總是當年鴈鷺汀二十四橋春水外  
野人指示望鵝亭

官舍即事

酴醾燕雪柳垂絲  
簾映虛庭淑景移  
八尺風漪紫藤滑  
清和天氣未暄時

題節婦盧氏銘後

節婦墳臺博陸南  
九原不化是真心  
儼然一片松陰石  
只與西山共古今

祁陽道中

鶯啼花落已無春  
四月田家更可人  
雨後老農催種穀  
風前紅袖採桑頻

行人不為送春忙一雨千林草木香馬上綠陰三百里  
直看春種到祁陽

一春勸課歷郊墟路入祁陽氣轉愉夾道錦韉州太守  
隔林紅袖趙羅敷

題孝感聖姑廟壁

分司巡歷滯農官來禱靈壇為歲寒一炷寶煙神意暢  
祥飈吹下鳳雲冠

仙去清溪事渺茫女工留在故園桑春風頻滿汀州綠



吹作凌波步襪香

卒歲誰能不製衣為蠶來禱聖姑祠何當雲葉翻看

闕

滿枝

題董左丞墳林

大樹瀟瀟綠滿林蒼烟埋沒石麟深  
兔葵難道無情物猶學將軍捧日心

南海揚旂開百越北風漏網有奔鯢  
多應奪去忽忽嘆斜日宮中聽鼓鼙

董相墳林南董里九門東下橐城西千年孝繼忠傳業  
萬字豐碑看御題

明皇私語圖

人老逢秋百感催夜深私語自為媒祇知海嶽情緣在  
不道生離有馬嵬

盈盈一水隔雙星不似行雲侍錦幘歡樂幾時憂思集  
碧梧秋雨待君聽

秋滿驪山有所思海棠紅盛鬢華滋細思夜半銀幘語

總是三郎嫵媚辭

戲題堦前玉簪

露影幽香濕西簾美人睡起未全掀只疑冷墜搔頭玉  
月暗雲階欲悞拈

題郭都水若思祖行實卷後公善推步算數隱  
德君子也

天元章會到玄機星厯推來一理齊襄國至今傳異事  
門前鵝水亦曾西

龍岡拱木秋風老燕處猶懷隱德尊皇極不窮身後數  
青雲今見起家孫

鎮陽新居

行馬門施擁豹幢德威端稱使君堂不應花影潭心月

昨夜分光照客牀

一作綠水堂前月  
綠水海子園堂名

嵇侍中祠

在湯陰縣西  
門外二里

八王雲擾亂中華義士何辜掩戰沙懷惠懦庸猶晉祚  
爭教移鼎入牛家

侍中精爽有無間  
霜葉猶疑血點殷  
一節見危能授命  
陸機回視恐慙顏

沙河道中

昨夜清霜比雪寒  
凋殘羣木柳宜先  
朝來信馬沙河道  
一一風前翠影圓

西門豹祠

在豐樂鎮  
東南一里

古人辦事笑談中  
常愛西門禁暴功  
邂逅馬遷稱善史  
不應排比滑稽雄

光武廟

在栢鄉城北十八里寰宇記云其地名壇亭乃帝即位之地也

闕  
室袍鎧鳳花紅一體君臣祭祀同前日洛都城

闕

煙無地認南宮

闕

文淵上將功雲臺英烈儘爭雄可能祇為椒

闕

不在龍姿姚

闕

中

滏陽道中

累累遺塚覆園甓半是高齊與魏陵千古是非同一盡  
簋攘終為路人憎

王化呂仙翁祠

邸飯猶炊一枕回繁華能幾暗興哀仙翁祠下無窮客  
不道都從夢裏來

題杜郎中二子字說卷後

燕客儀容雲表鳳紹宗英秀掌中珠故家正有新詩句  
不到徐卿第二雛

于公慎獄起高門積德而昌見後昆正似紫峰遺澤遠  
青衫遠有讀書孫

題劉大用西草蟲手卷

蠢動翾飛自一天眼中風露發清寒  
筆端正有坡仙樂莫作宣和藝本看

東坡墨戲出新意八詠復見河陽劉  
夢到草堂風露裏碧花籬落候蟲秋

徽宗畫周靈臺圖

靈沼臺高倚碧霄當時魚鳥被恩饒  
可能積德千年久盛世看來僅四朝



徽廟初年布政優丹青揮洒想西周其如逞慾橫流後  
花石綱船墊九州

宣和寶石圖

闕雲萬態煥金書染出湖光照座隅不道漢家規制

闕

泰山磐石是基圖

徽廟謝雪偶題

至元十六年十  
二月二十四

名堯觚爵動雲霞慘淡陰靈黑帝家恒岳所臨風雨好  
不須飛石示雄誇

野老題詩語最工  
表余精禱與神通  
爐烟散處雲生野  
祝版宣時雪滿空

偶得二絕寄府尹史子華

離離殘雪點山郊  
麥壠埋深不見苗  
春在草根泉脉底  
淡黃先到綠楊梢

人說中山有父風  
久從眉宇得冲融  
燈前近閱虞芮案  
轉見公明簿領中

謂牧羊北  
議劄等事

曲陽道中

軟紅沙路柳條風雪擁陽陂見煦融細繞嘉山三面過  
唐河東北望堯封

癸未年二月九日雪

東皇且莫認來真開拆花封占好春一夜雪花深數寸  
肯教桃李露精神

幾日輕陰雨氣氤凍殘花柳望春溫不知一夜豐隆意  
散作銀花藥麥根

去冬寒沍過常年節近春分尚凜然薦地雲開風日好

暖於南國賣錫天

大都即事

一資半級到銖分  
徃徃超遷越等倫  
除日豈徒傷道念  
饑寒常有幾千人

薪如束桂米量珠  
二月中旬凍未蘇  
笑煞九遷金馬客  
半年僵卧聽除書

創行敢效木求魚  
例進難於上坂車  
會取一陽潛九地  
春來葭管氣舒徐

燕都萬壽宮有梅一株每歲移置蔭中逮春仲  
方發藏今年得花滿枝雖冰姿的皪香色仿  
彿終強顏也戲題二絕以自況

仙家有術解藏春蠟蒂雖融凍尚皴若比百門山下見  
強顏還似聽除人

冰姿難倚暖回根人力封培氣始伸蓓蕾看來雖勉強  
一枝猶冠漢宮春

即事

無着必須循體例有依便指是人材區區桃李栽培手  
恐負東風一例開

朝鐘暮鼓惜蹉跎有例臺除半歲過不是馬周無伎倆  
翻來覆去幾常何

都尉王晉卿畫着色山齋圖

坡仙寶墨妙通神都尉丹青要儼倫欲識淡粧濃抹意  
髻鬟渾似鏡中人

半生翠繞與珠圍不謂槐根夢已非老去紛華心自得

筆端時到野人扉

惠崇蘆鴈圖

雪灘風竹映寒塘  
水宿雲飛未易雙  
不似鴛鴦沙渚暖  
翠紅相倚睡春江

小桃

小桃開撒淡胭脂  
不出初春未半時  
二月朔風吹石裂  
依然憔悴簇枯枝

梅粉飄零柳未煙  
一枝春色獨當軒  
今年盼得紅苞拆

風雪禁持第幾番

清明節近無旬日  
桃蕾含芳又幾朝  
今日簷前看春色  
一枝纔見褪紅椒

題日者詩卷

侯鯖熊掌味能甜  
舉世看來意欲兼  
不似君平安素履  
一罍香燼靜垂簾

蔡琰歸漢圖

明妃光寵照龍沙  
枉說琵琶憶漢家  
去住兩難心最苦



就中哀怨是胡笳

和劉仲修見示十一首

今歲餘寒過往年東風無柰雪花顛幾時不禁燕臺酒  
蹴踏陽春醉十千

野鶴昂藏本不羣剛同秋隼下翔雲近年轉覺謀生拙  
半仰公田半賣文

舊城行出入新都驛劄堅求更聽除馬上相逢還自笑  
背行今見兩茅廬

闕

老成

闕

多少開花不識名

侍列朝班不厭紛久疎鷓鴣鷺入行分今年借就袍簪笏  
喜向龍墀拜聖君

滿紙新詩說遠遷淮西依例住三年若從清議先才智  
恐不多時又着鞭

先聲光動弩臺春入手行司又一新長記髯兄先眇眇  
一官同作兩淮人

畫角霜稜兩劒寒  
瘴煙都上筆頭乾  
十年搏擊秋風裏  
蜀棧盤空不覺難

月旦評中見壯圖  
不應齊魯總真儒  
別來又嚼冰霜久  
健筆鋒銛似董狐

茆屋燈青語夜闌  
一杯長記浣離顏  
朔風半夜驅車去  
詩在寒雲石嶺關

東風剪剪送春寒  
望望田家惜雨乾  
無事在家貧亦好  
有心行道古來難

虎豹九關圖

九重關鍵錦斑圍  
蟣虱微言詎可知  
首闢四門明四目  
定書深意見宣尼

春夜獨坐

閃閃寒缸照夜昏  
眼中時事不容論  
近來鼠輩欺人慣  
踏碎承塵似馬奔

閨

寒冷似深冬  
曉日空燒海色紅  
一樹

閨

伴人憔悴倚東風

梁園節序不相饒  
正月初旬凍盡消  
長記東牆微雨後  
一枝紅艷杏花嬌

風物淒涼近禁煙  
敵寒無酒客衣穿  
楊花總道多才思  
撲亂春衫不當綿

細草根深綠自叢  
山桃含凍尚能紅  
垂楊可是寒欺得  
半為剗中半蠹蟲

鞭石圖

洋海求仙已渺茫  
又鞭羣石駕飛梁  
帝功不出仁和聖

罔念元來便作狂

檀州門外觀隰河春水

西山諸水頗瀟淪  
合入渾河不自存  
昨見春冰纔泮處  
滿川都作渴流奔

二月二十八日端門街觀乘輿還宮

龍煙日暖紫氤氲  
春水回鑾萬馬奔  
纓杖遠揮清蹕後  
漢儀光動御天門

麗日紅翻御路沙  
青山回抱漢宮斜  
吾皇遊豫諸侯度

縱使都人看一作望翠華

年年原廟薦駕鶯春水秋山例一過安得掇時姚右相  
為開三面說湯羅

闕導鸞旂遠玉輦高闕象駕雄賜異不闕

闕賢思得

鎮國寺觀迎佛

九曜趨降世聖尊象車香滿綺羅塵人傳此伎中宮製  
上下雙輪轉十人

漢成帝幸張禹第宅圖

王氏常朝夕惡譁幸回天鑒絕萌芽恬然不主天人斷

長恨安昌負漢家

孔子曰政事惡譁而善肅出李石博物志

與叔謙太常論書

翩翩每愛太常書姿態還同靜女姝儘是淡粧宮閣樣  
豈知東抹與西塗

相過閒話味何長字字顏書入品量握手正當吾意處  
畫須圓勁體須方



近年書學果誰優說道寥休有悟頭意態偶從驅字得  
千金駿馬倚山丘

一段殘槍路偶逢開鑪便作鏤鄒工君看王趙凌雲體  
來自浯溪慘淡中

鵬雲九萬平原筆墨望蘇黃甘下風誰謂南唐金剪手  
敢將田舍比顏公

篆隸中追三代古風雲重策二王功遺山不見裴旻帖  
枉着雲臺詫米雄

雲蛟家廟駭盤拏著作姿容隱畫沙後世若從書法論  
混淪磅礴是承家

將軍懍敵銳於虎舍豈能為必勝哉今日遺碑見雄筆  
英姿颯爽漢雲臺

天山飛將指裴旻書到吾顏迫不羣不為策勲  
闕  
陳  
至今冠劍氣凌雲

朝序卑高倒屣冠寓書還等義方彈一絨遺草如蚯蚓  
千古狐狸照膽寒

檢校秋官祿食難顏宗收養半乳鰥當時米兼無多惡  
李相因書重泰山

小楷東方出右軍丹青難寫是精神孔門弟子多材藝  
有若惟能肖聖人

次山歌頌漢文章書到磨崖日並光具眼鹿菴曾有語  
筆間元氣總三蒼

蘇冤截耳殷姑郎詈賊天津是大兄斷壁幾行移

闕

帖

九泉相值死猶生

雜詩

野人家具取宮中適用都輸瓦缶功  
君是荆巖瑚璉璞得來纔待費磨礱

較量暮四與朝三初不多爭讓愧慙戀戀不成丹闕夢  
劍南纔了又湖南

夢歸故國蒼茫外春老風沙慘淡中  
辛苦西臺臺下栢不成還作柳花空

昨日清明塵障面今朝上巳却晴明  
老天氣候初無定

敢倚虛名作實行

人家構室要幘幪小木支撐易作功  
汝是連雲棟隆物得來纔費梓人工

萬壽宮芙蓉杏花

三粘瓊島露華醲迸出高枝見化工  
不着上林春色底粉香吹滿步虛空

滿意春寒強自妍一枝無葉更瀟然  
莫誇百葉玲瓏巧輸與垂楊護斷烟

活色生香貯好春  
橫斜燈影似梅君  
多情唯有東牆宋  
夜夜幽窗夢彩雲

開簇生紅滿故枝  
今朝看處雪離披  
一春幾日風光好  
素影幽香只自知

秋澗集卷二十八

欽定四庫全書薈要卷一萬六千一百八十五

集部

秋澗集卷二十九

元 王惲 撰

七言絕句

題武元直畫巢雲曙雪圖

千丈雲巢曙雪寒清談誰似二公間  
京師三到凡三見  
夢遶烟林紫翠間

蒼雪亭為劉叅政賦

將軍塵市有山林亭下雙松鎖翠陰  
一夜雪花來點綴

蒼蒼特表歲寒心

蒼雪詩成玉局翁  
左山題扁取清雄  
脩然坐對橫枝處  
不到東華踏軟紅

過賈左輔墳林

雲陣橫陳賈氏林  
蒼烟埋沒石麟深  
堂堂地下開天業  
只聽黃鸝送好音

桃花鵝鵝圖

桃花鵝鵝滿春江  
睡暖晴沙夢亦香  
何處秋風南去鴈



斷雲寒影不成行

答楊元甫問

勁于屈鐵無強梗  
媚比嬌姝峻潔貞  
元甫見詢曹妄答  
筆端流潤自圓生

答劉少卿顏書之問

仙壇郭廟八闕文  
襄國濠州半籀分  
五帖論來皆具體  
就中勁甚是殷君

題天慶觀壁

至人心有孔天遊何似歸潛德日休千尺澗松終自老  
一菴閑地且相留

擾擾城居足是非靜觀秋水物空齊近年豁盡爭衡氣  
卧看虛窓日影西

春畦綠滿桔槔間吟眺高城有往還不着人先牛背上  
時來支笏看西山

闌闌都來掌許中白頭相會幾人同時將一榼如水酒  
傾瀉春風滿太空

題史仲威脩鄧州文廟詩卷

禮殿脩完到大成  
仲威一日得嘉聲  
却怜吾郡膠庠地  
二十年來斷不行

題歲寒齋

松栢青青貫四時  
木中推重為幽姿  
史君特用為齋榜  
要見貞心老不移

題東坡手簡

文章大節中所立  
海岳英靈未易招  
只為峻高人競仰

有時秦吉作鸚嬌

題山谷手卷

書學推公果若何  
紆餘全似右軍鵝  
兩行醉墨南樓帖  
一字千金未足多

寄楊參政

紅藥堦前露氣新  
五花行判舊經綸  
除章莫厭鈞陶細  
散在人間是好春

閒中何物是窮愁  
細把調元入校讎  
勘破漢中三策意

忍從刀筆論鄼侯

筠林暮雨

共山山下送征騑  
卓水歸時起醉題  
十萬壯夫飄洒處  
一燈長記宿筠溪

入定州北門偶得

千雉嚴城鼓角寒  
當年韓富倚為安  
後人苦笑書生懦  
白羽風雲屬將壇

雲林曉汲

家住清林香靄間  
瓦瓶乘月汲泠淵  
山中道士金椒客  
煮盡溪頭白石圓

山中雜詩

路回峰轉認山形  
周折東來似曲肱  
偶倚斷崖南北看  
兩鯨挾輔一龍騰

長風摧雨入山門  
洗淨埃霾面目真  
領取封靈相敬意  
儘堆空翠待詩人

騎乘籃輿步揔宜  
雨晴龍首有餘姿  
興來題破蒼苔石

紀我青山獨到時

徐童絕觀曉烟蒼盡得東風草木香  
鞍口迤西山更好惜教無力到禪房

山前三院說中溪蕙帳空來夜鶴悲  
一片短碑空晤語宣尼堂下久揩頤

又題鹿庵與王子襄先生手書後

一代高人王鹿菴幽潛來住百門龕  
詩瓢藥竈當時友政有先生德不慙

劉齊王讀書堂

左阜城北牖下

當年齊相讀書堂此日金華表佛幢  
碧色尚餘書帶草綺疏猶是聚螢牕

平原縣有懷顏太師忠節

羯奴獵火九州空平地孤城與抗雄  
十七郡兵同日集奮從吾首倡孤忠

記右脅瘕文

昔相工謂王欽若貌異當貴或云鼻斜何如曰他日



作相自正後果然予右脅有六紅痣一黑子狀成斗  
文其黑子終非同色又遠而不應曲詰至元二十年  
二月二十一日因浴出見一紅痣忽生其下遂足成  
杓狀吁亦異哉因書此以紀其生發月日云

脇間素有七星文黑痣權杓遠且昏忽出一星為補正  
隱然高起更紅溫

讀老泉先生審勢審敵二篇

清時無故厲兵刑審勢雖深衆目驚轉首翠華牽率去

老泉幾策見來明

二虜先須一掃清萬方然後論昇平周文未免昆夷患  
却訝先生以筆爭

赴任濟南前次黃岡作

征車輓輓二旬間泥雨長途備阻艱行近黃岡都忘却  
一峰金翠得華山

今年東赴濟南行帶雨拖泥二十程只為此身饑凍迫  
幾回辛苦歎勞生

過濟河縣北晏嬰城

一製狐裘四十年當時功烈管差肩細思款對崔門語  
又見臨機勝趙宣

三士輕生死二桃善謀誰似晏卿豪朝來采邑城東路  
欲訪林丘掛佩刀

濟河道中

今稱為齊河蓋偶忘點水耳地名  
耿濟後漢耿弇破張布于此故名

甲子東遊入泰安封壇日觀揔躋攀誰知二十年來後  
却向齊西看泰山

匡山

匡山說有舊茅廬李白當年此讀書山風氣宛如吟醉重  
野雲時學簡編舒

公堂

鳬吏前頭擁簿書午衙急散日停晡南山翠倚公堂上  
終日相看有若無

九日登歷下亭

當年歷下富材賢李杜文章兩謫仙此日風流俱不見

秋烟空濕採菱船

周文矩雷劒化龍圖

圖底幽光見斗間  
張華腰領不勝寒  
躍淵又作雙龍去  
在晉當為變怪看

飛躍陶梭化葛筇  
潛飛無跡與神通  
披圖勘破延平事  
又在雷公劒室中

右軍書扇圖

偶愛蒲葵扇影寒  
拈將揮洒動雲烟  
情知龍躍天門筆

肯與兒童調百錢

王謝當年奕世豪  
東山清興更滔滔  
不應經畧中興志  
留在書名與日高

春閨怨

花落閒庭燕語新  
東風吹夢濕行雲  
就中最是關情處

一寸春光爛錦文

爛者爛熳之爛也

甲申門帖子

一杯春酒酌門扉  
入手新年所事宜  
却愧白頭官舍底

苦無明畧佐明時

偶書

人無定志何從好事到難量尚口行一理縱能消百妄  
物情其奈正逢迎

周文矩勘書圖

宮槐陰合玉堂清書葉翻香入細聽內苑近來遊迹少  
太平天子要傳經

鈴索無聲到玉除一時人物在瀛壺細看簪盞翻經處

當日安知不有吾

花壓欄干淑景移一桺閒煞玉堂暮日長正有繡書樂  
未礙從容下直遲

周昉畫楊妃禁齒圖

海棠春睡儘紅嬌苦殢三郎厭早朝人到愛深無處說  
捧心顰處更妖嬈

題張季雲先生山莊圖

儒將風流素所期  
免時幾讀霽

闕

後



喜對張卿賦此詩

却馬巖居楚素懷莫嗟終老未曾諧天

闕

氣

散作恩威震兩淮

思長本與風雲會山迥空圍水竹幽說似

闕

望

建封勲業在徐州

公與徐州師要赫德相得甚懽官幕府

闕

至蔡改

吏部郎中死沛縣要赫德即盧

闕

瑞也

樓居春望圖

翠斂雙娥底事愁不緣春去落花稠歸鞍未得朝天信  
望斷東風燕子樓

徐熙折枝果圖

紫陌春風窈窕歌昇平花果夢宣和寫生忽見徐卿畫  
碧爛紅鮮發興多

後進新唱滿深宮已覺金陵王氣空畫手忍將忘國淚  
筆端秋實染春紅

趙大年雪霽聚禽圖

風雪龍沙萬里行當時先兆見丹青不然紈綺豪華習  
滿意荒寒落鴈汀

點綴烟林意儘妍沙洲鳬鴈見荒寒君看小景多盈尺  
展放江湖萬里寬

又題美人却扇圖

中饋頻繫女所思春風何意醉瓊枝畫家解寫  
不見樊姬脫珥時

大禹泣臯圖

真淳氣散不復古科條漸似秋荼深道逢胥靡漣而泣  
灼見當時罪已心

陶潛夏屋圖

徽宗筆杜  
亨甫家藏

襟懷嘯傲義皇上晉宋興亡筆削中千古此心誰會得  
颯然時有北窓風

吾廬瀟洒風煙外詩思扶疎樹影中典午廢來何限事  
五株楊柳自春風

庭樹交柯綠蔭濃欣然忘却草堂空更憐彼稷懷新處

漠漠平疇遞遠風

題李伯時畫陽關圖

霍青甫家藏

晚唐聲教限羌戎才唱陽關慘意濃  
遠節每矜殷侑壯畧無離別可憐容

別淚重于烟柳雨離愁長似玉關程  
就中儘是銷魂處不待聽歌第四聲

題梵隆古畫雅集圖

係內府畫上有紹興  
闕今為霍清甫家藏

龍章紅爛紹興文入手休驚玉盃新  
奎壁細看輝映處

半為元祐黨中人

第二句一作內  
府芸香祕幾春

題杜莘老春融秋嶺圖

三分春事二分空料峭寒生破曉風今日簷前天色好

山嵐全似卷中融

甲申春  
大寒

謝太傅奕棋圖

勝負胷中料已明又從堂上出奇兵怡然一笑文楸裏  
未礙東山是矯情

遊歷山南寺園題其壁

暖煙散處只空崖俯瞰城居亦壯哉寸

闕

出

不容濯濯嘆無材

江貫道畫江山萬里圖

抖擻衣塵整豸冠踟躕終日簿書間何時一

闕

裏

飽看江南萬里山

繁杏錦鳩圖

繁杏梢頭淑景新錦鳩呼雨雨初勻儘看活色生香裏  
擁頸雙栖過一春

過青崖山

鵲巢東下望青崖武惠當年幾往來欲說雄圖中最重

至今東魯號多才

一作欲話霸圖應寂寞蒼烟深處柏園臺

過道郎寄時伯威

泰安教授名震

岱宗回望漸微茫空翠隨人過道郎三日曾瞻亭上

闕

一樽風味詎能忘

題山谷家乘後

初看喜小康宜州天氣固難量一壺醉倒牂柯

闕

闕



闕  
古南樓飲恨長

宿東平南衙

曾豫幕中籌白首重來

闕

却似絳園春睡

闕

聲鷓鴣五更頭

黃石公祠雜詩

闕

闕

祠南翠阜重

闕

都在先生指授中

闕  
邑彬彬富碩儒山川英氣未嘗虛闕  
須苦泥闕

夜半重來覓素書  
東阿前金闕自張萬公高子闕  
清鄉侯莘卿已下進士第者二闕

闕

此老當年一隱淪後稱黃石恍疑神野人莫詫山間事

洞穴無情草自春  
謂黃山洞穴山  
顛折立石也

良授書來知益竒一時籌策係安危楚人不逐哀歌散

白首空懷抱石悲

千古陳言雜偽真丹青難寫是精神護軍史筆端如畫  
北上風雲逐日新

今古文章不自工後人公論見清雄壁間細閱題詩客

笑煞騰騰兀兀翁

黃石祠有詩云天其既與赤帝子我亦願師黃石公題曰騰騰老後復曰

兀兀翁騰騰老蓋楊紫陽也兀兀翁楊飛卿也二公爭相為已詩者數年遺山聞之曰詩則非佳爭之意甚可為一噓也

郭將軍巨廟在肥城縣西水里村南山上土人

云巨嘗趨熱來此欲瘞其子於村傍果然余

以謂孝忍者也

家窶時供菽水難豈堪孫息共盤餐  
生理設若同純孝不念將慈變忍端

水里山頭郭巨祠歲時香火野人思  
交哺因羨慈烏鳥斜日歸飛滿樹枝

一作啞啞却羨慈烏鳥

繼司毅夫韻題野堂壁

毅夫名仁

郊居靜有耽書樂客至都忘歎  
歲災喜向壁間留語去草堂樽酒記曾來

眠中故友三年別霜後春桑一例災暫解歲憂誠士樂  
馬頭遙指野庄來

武惠公故里

在長清西五十里  
今稱鵲里者是也

鵲里西連武惠林蒼烟埋沒石麟深固應千古桓公業  
長聽黃鸝送好音

遊百家巖雜詩

月池懸溜落蒼窪巖竇分居可百家不羨碧瀾秋色好  
倚天驚絕赤城霞

龍鬚草細雪婆娑石樹玲瓏碧玉窩欲訪煨爐懷舊隱  
老僧指示隔煙蘿

山居最苦水泉慳明月池深湧碧瀾寺仰以清山藉潤  
細教螭口瀉高寒

山烟起處竹林蒼白鹿鬼高半夕陽長嘯至為鸞鳳去  
公和當冠七賢堂

玄髓丹書兩遇難碧山猶說有仙壇千年留在嵇康恨  
石上清風漠漠寒

亂山合遶排青闥細路縈紆走白蛇十里風煙吟醉底  
柘園莊北日初斜

清醕蒸杭戶戶香百門山下喜初嘗太平有象豐年是  
翠竹梢頭看簸揚

欲往蘇門半月過青帘巷裏揔高富寓形宇內知能幾  
對酒當歡不樂何

十月山陽黃落秋陡風寒色入貂裘蹉跎非泥林婆酒  
更為諸賢一日留

晉隱祠邊落照紅  
自來伐木竹林中  
且休輕議前賢輩  
自執牙籌笑阿戎

黃烈清泉在碧巔  
當時瓢飲致高年  
情知泥水能充腹  
空使人間作笑傳

題朱孝子詩卷

道傍積土作高標  
存歿中間慰寂寥  
見說一方多錫類  
秋風惡木變鳴梟

中古識封高四尺  
朱生覆簣到三尋  
所憐衰俗顏波裏



能見終喪不匱心

門閭旌異對堂封春在林墟洩樂中白首已慚朱子孝

荒阡望入漢堤東

予家三代祖塋夾堤東西相望凡三處

長至日同李靖伯過高仁甫新居即事

禮義為方邑不多處心極厚已澆訛首從吾輩家風異  
其柰閭閻鄙俗何

藩籬限隔苦無多徹去寬于四海和昨晚杖歸心適喜  
樂于常棣燕時歌

中唐一席間維籓嶺眼高于嶺嶂巔愛煞西家高老子  
晚沙能暖鵲鴿寒

讀明皇雜事

西內淒涼慘落暉高將軍去事猶危起居聽徹公卿表  
淚濕龍袍祇自悲

元日門帖子

堂落有成永思遠慰歲時

闕

近逢季主親

闕

構新年儘笑聲

世事雖關覺累輕  
閑心有味勝時榮  
不妨鄉社浮沉醉  
一曲酣歌樂太平

跋醉道士圖

床頭傾盡玉雙瓶  
已醉猶能百態生  
若問一壺中所樂  
醉鄉日月自昇平

跋墻間圖

乞食歸來意有餘  
豈知內子涕沾濡  
相逢半是墻間客  
底用經營畫作圖

跋理宗題馬麟畫折枝木犀圖

花中神品趙昌師又向臣麟見折枝不惜一天風露潤  
百林樓晚要新詩

跋醉漁父圖

浪急舟輕任自由得魚歸去博新菊醉來省記靈均語  
獨速煙蓑笑不休

題卜者詩卷

卜筮精微未易通靜能知遠要深功裏糧去訪賢師友

喜為題詩送易東

跋徽宗畫百鷺圖

草滿宮池漲碧淵日長靈囿鼓咽咽轉頭百有于飛地  
漠漠蒼烟是野田

淺淺溪流碧玉汀風標呈處揔真情圖回不到靈臺闕  
辨與樊川詫晚晴

西伯池臺白鳥多二南風化到雍和慕羶只辨丹青了  
創守其如宗祖何

乙酉元日門帖子

莫認時榮真福順休從勢利論人情願將風日輝輝氣  
散作豐年笑樂聲

題德長老夢齡圖

高情千古一坡仙夢入西堂豈偶然只着吾家公案論  
嗜心將至有開先

脩齡親說夢中傳寫出梅花老樹禪更愛鹿菴人品峻

不隨王導共周旋

鹿菴云好將半桶井華水過與闍黎洗面顏

露堂夏日即事

日長人在露堂間  
何物相看慰我顏  
碧潄方池湖水滿  
一峰蒼翠出君山

題遺山先生手書雜詩後

河間王成之收

文鍵親承謦欬餘  
又從珠碧見遺書  
常疑落落江山筆  
不放奎光到玉除

江鄉雪景圖

勢利嬰兒百尺竿  
雲臺爭似釣臺閒  
料因蓬底秋江夢

不到君王物色間

秋江待渡圖

楓林沙步夕陽蒼  
一棹秋烟待野航  
江上西風晚多急  
行人歸路不須忙

寒林圖

溪山一雪自幽深  
多付騷人入苦吟  
最是畫工留意處  
晚煙瀟灑萃寒林

題水牯圖



姚黃魏紫動遊觀何似田家黑牡丹萬有困倉由爾出  
論功消得畫圖看

秋山訪友圖

蕭蕭楓葉映青山詩在風煙紫翠間早晚得歸林下去  
一溪秋水伴君閒

闕峙石樓連佛屋灘橫八節走青伊杖藜都是香山老  
斜日青山獨徃時

讀後漢西域傳論

世外鴻荒古罕聞角端人語鳥雄尊縱橫最愛宣城筆

理絕人區畧不論

角端獸名極壯大能諸國語

題樂天不能忘情圖

駱馬悲鳴頓玉珂停杯重聽柳枝歌做成一段閒公案  
轉覺香山長物多

楊柳新聲滿洛陽尊前風味老難忘筆端拈出新詩句  
似為樊姬作嫁裝

韓白二公老境

日月閒心要破除香山晚節亦區區藏詩葺寺皆餘事  
猶勝昌黎聚博徒

藉也胡為勸著詩要將斯道濟時須情知千古潮陽筆  
肯作分章摘句儒

### 太一宮

華表人歸鶴未歸空從雲氣望蓬萊西

闕

猶記中和手自栽

露濕庭松偃蓋青一聲幽磬隔疎櫺多應金簡朝元罷

自炷爐香讀道經

庭樹蕭蕭綠滿廊日長深鎖碧窓涼  
隔簾遙見秋來處  
一葉輕黃望井床

漠漠陰風轉石壇長廊踏破碧苔寒  
徑呼徹放松扉  
鑰看罷梅花問竹安

倚竹圖

天寒翠袖儘輕盈暮倚湘筠思不勝  
何異澗阿幽隱士  
長材空抱乏賓興

遊龍門雜詩一十首

共西  
山名

山到龍門勢轉奇  
千年軒豁露朝曦  
從教馬足徐徐進  
正是山紅澗碧時

百丈瑤泓湛碧崖  
杖藜不到是空迴  
諸天也解詩人樂  
挽葛攀藤一例來

龍門形勝自天開  
細瀉銀河灑碧崖  
我老世間塵土夢  
百年能得幾回來

直上危巔弄瀑流  
空濛飛洒翠雲裘  
看來潭面無纖繫

人道龍泓是炭湫

冷泉飛下碧峰尖蛟客綃長萬縷纖却為夜潭霜月苦  
山靈長下水精簾

龍門峽束石嶙峋只有懸流最可人才到寺臺心已喜  
竹梢明處拖天紳

竹上題詩石上休劉郎勸酒薛郎謳竒探不識風雷

闕

若比潮陽更款留

安行舍策上稜層醉裏陳州美不勝玄極近南雖峻絕

似君筋力尚能登

不惜登危馬力微  
歸時風袖喜披披  
紫烟暖藉青鞋濕  
步下蒼陁不覺疲

山喜詩人作晚粧  
野煙不幻碧峰蒼  
婆娑醉籍橫披草  
更為山英倒一觴

筠溪軒留題

山川明秀在共西  
人問其中幾杖藜  
三十年間無默數  
青燈兩度宿筠溪


筠溪溪上好風煙又向幽人借榻眠  
欲就龕燈尋道話却成尊酒醉留連

秋澗集卷二十九



謹按卷二十九第十頁前六行要赫德舊作牙吾答今改





總校官進士臣胡榮

校對官學正臣卜惟吉

膳錄監生臣許蔭培